

四庫全書

經部

欽定四庫全書

經部

左氏博議卷十五

十六

詳校官監察御史臣李陽樾

給事中臣溫常綬覆勘

校對官庶吉士臣何思鈞

校對官編修臣朱攸

謄錄監生臣張君綏

謄錄監生臣宋錯

欽定四庫全書

左氏博議卷十五

宋 呂祖謙 撰

宋叛楚即晉

僖二十六年秋宋以善於晉也叛楚即晉楚令尹子玉司馬子西帥師伐

宋圍

楚子將圍宋

止

文之教也

僖二十七年楚子將圍宋使子

文治兵於睽終朝而畢不戮一人子玉復治兵於蔿終日而畢鞭七人贊三人耳國老皆賀子文子文飲之酒蔿賈尚幼後至不賀子文問之對曰不知所賀子之傳政於子玉曰以靖國也靖諸內而敗諸外所獲幾何子玉之敗子之舉也舉以敗國將何賀馬子玉剛而無禮不可以

治民過三百乘其不能以入矣苟入而賀何後
之有冬楚子及諸侯圍宋宋公孫固如晉告急
先軫曰報施救患取威定霸於是乎在矣狐偃
曰楚始得曹而新昏於衛若伐曹衛楚必救之
則齊宋免矣於是乎蒐于被廬作三軍謀元帥
趙衰曰郤穀可乃使將中軍郤溱佐之使狐偃
將上軍讓於狐毛而佐之命趙衰為卿讓於欒
枝先軫使欒枝將下軍先軫佐之荀林父御戎
魏犢為右晉侯始入而教其民二年欲用之子
犯曰民未知義未安其居於是乎出定襄王入
務利民民懷生矣將用之子犯曰民未知信未
宣其用於是乎伐原以示之信民易資者不求
豐焉明徵其辭公曰可矣乎子犯曰民未知禮
未生其共於是乎大蒐以示之禮作執秩以正
其官民聽不惑而後用之出穀
晉侯將伐曹
止

戍釋宋圍一戰而霸文之教也

晉侯將伐曹

止

會諸侯于許

僖二十八年晉侯將伐曹假道于衛衛人弗許還自南河濟侵曹伐

衛取五鹿晉侯齊侯盟于斂孟衛侯請盟晉人弗許晉侯圍曹三月丙午入曹令無入僖負羈之宮而免其族報施也執曹伯分曹衛之田以畀宋人楚子入居于申使申叔去穀使子玉去宋曰無從晉師晉侯在外十九年矣而果得晉國險阻艱難備嘗之矣民之情偽盡知之矣天假之年而除其害天之所置其可廢乎子玉使伯棼請戰曰非敗必有功也願以間執讒慝之口王怒少與之師公乃拘宛春於衛且私許復曹衛曹衛告絕於楚子玉怒從晉師晉師退軍吏曰以君辟臣辱也且楚師老矣何故退子犯曰師直為壯曲為老豈在久乎微楚之惠不及此退三舍辟之所以報也退三舍楚眾欲止子玉不可四月晉侯次于城濮楚師背鄆而舍子

玉使鬬勃請戰晉侯登有莘之虛以觀師曰少
長有禮其可用也遂伐木以蓋其兵已巳晉師
陳于莘北楚師敗績晉師三日館穀及癸酉而
還甲午至于衡雍作王宮于踐土丁未獻楚俘
于王已酉王享醴命晉侯宥王命尹氏及王子
虎內史叔興父策命晉侯為侯伯賜之大輅之
服戎輅之服彤弓一彤矢百旅弓矢千拒鬯一
卣虎賁三百人曰王謂叔父敬服王命以綏四
國糾逖王慝晉侯三辭從命曰重耳敢再拜稽
首奉揚天子之丕顯休命受策以出出入三覲
衛侯聞楚師敗懼出奔楚遂適陳使元咺奉叔
武以受盟癸亥王子虎盟諸侯于王庭要言曰
皆獎王室無相害也有渝此盟明神殛之俾隊
其師無克祚國及其玄孫無有老幼君子謂是
盟也信謂晉於是役也能以德攻城濮之戰晉
中軍風于澤亡大旆之左旃祁瞞奸命司馬穀

之以徇于諸侯使茅戎代之師還濟河舟之僑
先歸士會攝右七月振旅愷以入于晉獻俘授
馘飲至大賞徵會討貳殺舟之僑以徇于國民
於是大服君子謂文公其能刑矣三罪而民服
冬會于溫討不服也是會也晉侯召王以諸侯
見且使王狩于河陽言非其地也且明德也晉侯
曰天王狩于河陽言非其地也且明德也晉侯
有疾豎侯孺貨莖史使曰以曹為解齊桓公為
會而封異姓今君為會而滅同姓曹叔振鐸文
之昭也先君唐叔武之穆也且合諸侯而滅兄
弟非禮也與衛偕命而不與偕復非信也同罪
異罰非刑也禮以行義信以守禮刑以正邪舍
此三者君將若之何公說
復曹伯遂會諸侯于許

戶有樞言亦有樞射有的言亦有的屠有會言亦有會

一得其樞萬戶皆開一破其的萬矢皆廢一中其會萬
理皆解千世之所不能決百家之所不能定羣說之所
不能該聖人折之以一字而包羅交結舉無所遺是果
何術耶蓋所運者樞所貫者的所據者會也晉文公之
霸諸侯其謀畫其政刑其征伐其盟會使後世學者定
其是非必條陳縷數之曰此臧也彼否也此優也彼劣
也此工也彼拙也雖累牘聯簡猶未能盡其是非而吾
夫子斷之一字曰譎而已味譎之一字而觀晉文之平

生千源萬派滔滔汨汨皆赴於一字之內動容周旋橫
斜曲直無往非譎如拔其尤者論之楚與宋皆有德於
文公者也兼受二國之施則當兼報二國之德豈當有
所偏助哉文公之心則以宋弱國也因前日之德而親
我者也楚強國也挾前日之德而陵我者也今楚伐宋
為吾計者固當助宋以厚其親我之心挫楚以奪其陵
我之氣不寧惟是吾方圖霸業坐視楚橫行而不敢較
則霸權在楚不在晉矣然遽加兵於楚則天下必以我

為背惠食言其誰與我於是不攻楚而攻楚之所必救
伐曹伐衛皆楚親暱外無背楚之名而內有怒楚之實
使兵端發於楚而不發於我待楚之先動而後徐起而
應之則雖破楚而無背惠之名其為謀可謂謫矣此猶
非其謫之尤者也文公名雖救宋而意實在於勝楚時
天下之強國惟晉與楚必先摧楚之鋒然後晉可以專
霸於天下楚子固倦於兵其很戾而好戰者獨子玉耳
儻不深激楚之怒則楚將知難而退晉楚之雌雄不決

矣於是因執曹伯分曹衛之田賜宋所以深激楚之怒而趣之戰也苟文公意止於救宋則當宛春之使必欣然而從矣何者始伐曹衛本所以救宋也今楚果以愛曹衛之故將釋宋圍是適投吾欲也我復曹衛彼釋宋圍兩得其欲何為不許之乎文公非惟不許乃執宛春以辱之又私許復曹衛以挑之惟恐激而不怒怒而不戰是其心果在於勝楚而不在於救宋也人知文公救宋而止耳孰知其謫之尤一至於此乎至於退舍之事

則其謫又深矣。楚本無與晉競之心，文公多方以怒之，迫而使戰。雖子玉不勝一朝之忿，然上則楚子下則士卒皆不欲也。自常情論之，雖車馳卒奔，猶懼失楚師，況退舍避之，使子玉得假以為班師之名乎？蓋文公固已料子玉於度內，明知子玉內懷為賈之謗，急於立功以刷其恥，見吾之退避，必謂幸遇脆敵，功業易取，無若此時。雖吾退十舍，猶將來追，況三舍乎？文公之所以肯退者，先有以必楚之不退也。心欲戰而形若不欲戰，用以

報德用以驕敵用以惑諸侯之心用以作三軍之憤一
世為其所眩惑而不自知雖明智如左氏者猶信其我
退楚還我將何求之語載之於書信矣文公之善謫也
文公之謫夫豈一端而已哉三日而去原若欲自附於
王者之師然毀丘墓以脅曹果王者之師耶利小則用
信利大則用暴吾是以知文公之謫也三罪而民服顓顓
祁瞞舟若欲自附於王者之刑矣然後魏犢而屈法果
之僞王者之刑耶疎者則用法愛者則用私吾是以知文公

之謫也統而論之大則如託狩以召王小則如曳柴以誤敵殆未易徧舉要皆不能出夫子一字之外聖人之言可畏也嗚呼文公之謫所就者區區之霸業耳其師一動而子叢死於魯子玉死於楚叔武猷犬士榮元咺子適子儀死於衛鄉若晉師不出則是皆無罪之人也至於若偏若裨若與若臺膏潤原野名不登於簡冊者抑不知其百耶千耶萬耶忍哉文公之不仁也雖然文公始欲謫人而終不免為人所謫曹伯之當執當復衛

侯之當殺當釋出於文公可也顧乃為巫所譎而還曹

伯為醫所譎而生衛侯至於反衛侯於國則為魯所餌

而使恩歸於魯

僖二十八年晉人執衛侯歸之于京師三十年晉侯使醫衍酖衛侯甯俞貨醫

使薄其酖不死公為之請納玉於王魯諸侯也受其譎

猶不足深愧孰謂巫醫下流其譎又有在文公之上者

耶吾所以深為文公愧而益知譎之果不足恃也

晉文夢與楚子搏

僖二十八年四月晉侯夢與楚子搏楚子伏已而盥其腦是以

懼子犯曰吉我得天楚伏其罪吾且柔之矣楚師敗績楚子玉夢河神求

瓊弁玉纓

僖二十八年初楚子玉自為瓊弁玉纓未之服也先戰夢河神謂已曰界

余余賜汝

燕姑夢天與已蘭

宣三年冬鄭穆公卒初鄭文公有賤

孟諸之麋

妾曰燕姑夢天使與已蘭曰余為伯僚余而祖

也以是為而子以蘭有國香人服媚之如是既

而文公見之與之蘭而御之辭曰妾不才幸而

有子將不信敗微蘭乎公曰諾生穆公名之曰

蘭穆公有疾曰蘭死吾其死魏顆夢結草之老

乎吾所以生也刈蘭而卒

人宣十五年秋秦桓公伐晉次于輔氏壬午魏

顆敗秦師獲杜回秦之力人也初魏武子有

嬖妾無子武子有疾命顆曰必嫁是疾病則曰

必以為殉及卒顆嫁之曰疾病則亂吾從其治

也及輔氏之役顆見老人結草以亢杜回杜回

躓而顛故獲之夜夢之曰余而所嫁婦人之父

也爾用先人之治命余是以報

韓厥夢子輿

成二年韓厥夢子輿謂已曰且辟左

右故中御而從齊侯酈夏曰射其御者君子也公曰謂之君子而射之非禮也射其左越于車

下射其右

趙嬰夢天使

成五年原屏放趙嬰於齊嬰曰我在故樂氏不

作我亡吾二昆其憂哉且人各有能有不能舍我何害弗聽嬰夢天使謂已祭余余福女使問諸士貞伯貞伯曰不識也既而告其人曰神福仁而禍淫淫而無罰福也祭其得亡乎祭之

明日**晉侯夢大厲****夢疾為二豎子****小臣夢**

負公登天

成十年晉侯夢大厲被髮及地搏膺而踊曰殺余孫不義余得請於帝矣

壞大門及寢門而入公懼入于室又壞戶公覺召桑田巫巫言如夢公曰何如曰不食新矣公

疾病求醫于秦秦伯使醫緩為之未至公夢疾為二豎子曰彼良醫也懼傷我焉逃之其一曰居育之上膏之下若我何醫至曰疾不可為也在育之上膏之下攻之不可達之不及藥不至焉不可為也公曰良醫也厚為之禮而歸之六月晉侯欲麥使甸人獻麥饋人為之召桑田巫示而殺之將食張如廁陷而卒小臣有晨夢負公以登天及日中負晉侯出諸廁遂以為殉

呂錡夢射月

成十六年呂錡夢射月中之退入於泥占之曰姬姓日也異姓月也

必楚王也射而中之退入於泥聲伯夢瓊瑰成亦必死矣及戰射共王中目

七年初聲伯夢涉洹或與已瓊瑰食之泣而為瓊瑰盈其懷從而歌之曰濟洹之水贈我以瓊瑰歸乎歸乎瓊瑰盈吾懷乎懼不敢占也還自鄭士申至于狸脈而占之曰余恐死故不敢占

也今衆繁而從余三年矣
無傷也言之之莫而卒
中行獻子夢與厲公

訟

襄十八年中行獻子將伐齊夢與厲公訟弗勝公以戈擊之首墜於前跪而戴之奉之以走

見梗陽之巫臯他日見諸道與之言同巫曰今茲主必死若有事於東方則可以逞獻子許諾

叔孫穆子夢天壓已

昭四年初穆子去叔孫氏及庚宗遇婦人使私為食

而宿焉問其行告之故哭而送之適齊娶于國氏生孟丙仲壬夢天壓已弗勝顛而見人黑而上僂深目而黧喙號之曰牛助余乃勝之旦而皆召其徒無之且曰志之宣伯曰魯以先子之故將存吾宗必召女召女何如對曰願之久矣魯人召之不告而歸既立所宿庚宗之婦人獻以雉問其姓對曰余子長矣能奉雉而從我矣召而見之則所夢也未問其名號之曰牛曰唯

皆召其使使視之
遂使為豎云云

魯昭夢襄公祖

昭七年楚子成章華之臺

願與諸侯落之太宰遂啓疆來台公公將往夢
襄公祖梓慎曰君不果行襄公之適楚也夢周
公祖而行今襄公實祖君其不行子服惠伯曰
行先君未嘗適楚故周公祖以道之襄公適楚
矣而祖以道君不行
何之三月公如楚

晉侯夢黃熊

昭七年鄭子產聘于晉晉

侯有疾韓宣子逆客私焉曰寡君寢疾於今三
月矣並走羣望有加而無瘳今夢黃熊入於寢
門其何厲鬼也對曰以君之明子為大政其何
厲之有昔堯殛鯀于羽山其神化為黃熊以入
于羽淵實為夏郊三代祀之晉為盟主其或者
未之祀也乎韓子祀夏郊晉侯有間賜子產莒
之二
方鼎

孔成子夢康叔

昭七年衛襄公夫人姜氏無子嬖人嬖始生孟縶孔

成子夢康叔謂已立元余使羈之孫圉與史苟相之史朝亦夢康叔謂已余將命而子苟與孔烝鉏之曾孫圉相元史朝見泉丘人有女夢以成子告之夢夢協故立靈公

其帷幕孟氏之廟

昭十一年泉丘人有女夢以其帷幕孟氏之廟遂奔僖子

其僚從之盟于清丘之社曰有子無相棄也僖子使助蘧氏之蘧反自侵祥宿於蘧氏生懿子及南宮敬叔於泉丘人趙宣子夢文公授之陸其僚無子使字敬叔

渾

昭十七年九月丁卯晉荀吳帥師涉自棘津使祭史先用牲于雒陸渾人弗知師從之遂

滅陸渾宣子夢文公攜荀吳而授之陸渾故使穆子帥師獻俘于文宮

宋元公夢

太子癸即位

昭二十五年宋元公將為公故如晉夢太子癸即位於廟已與平公

服而相之且名六卿公曰寡人不佞不能事父兄以爲二三子憂寡人之罪也若以羣子之靈獲保首領以沒唯是梟拊所以藉幹者請無及先君仲幾對曰君若以社稷之故私降昵宴羣臣弗敢知若夫宋國之法死生之度先君有命矣羣臣以死守之弗敢失隊臣之失職常刑不赦臣不忍其死君命祇辱曹人夢衆君子立于宋公遂行已亥卒于曲棘

社宮

哀七年初曹人或夢衆君子立于社宮而謀亡曹曹叔振鐸請待公孫強許之旦而

求之曹無之戒其子曰我死爾聞公孫強爲政必去之及曹伯陽即位好田弋曹鄙人公孫強好弋獲白鴈獻之有寵使爲司城以聽政夢者之子乃行強言伯說於曹伯曹伯從之乃背晉而奸宋宋人伐之

衛侯夢渾良夫

哀十七年衛侯夢于北宮見人登昆吾之

觀被髮北面而譟曰登此昆吾之虛縣縣生之
瓜余為渾良夫叫天無辜公親筮之胥彌赦占
之曰不害與之邑寘之而逃奔宋衛侯貞卜其
繇曰如魚鼈尾衡流而方羊裔焉大國滅之將
亡闔門塞竇乃自後踰冬
十月晉復伐衛入其郭
宋得夢已為烏
年宋得夢啓北首而寢於廬門之外已為烏而
集於上味加於南門尾加於桐門曰余夢美必
立大尹奉啓以
奔楚乃立得

形神相接而夢者世歸之想形神不接而夢者世歸之
因因之說曰因羊而念馬因馬而念車因車而念蓋固
有牧羊而夢鼓吹曲蓋者矣是雖非今日之想實因於

前日之想也故因與想一說也信如是說無想則無因無因則無夢舉天下之夢不出於想而已矣嗚呼萬物皆備於我萬理皆備於心豈以想而有豈以不想而無哉耳之所聞者有限也然天下之聲皆具於吾耳之中非可以聞不聞限也目之所見者有限也然天下之色皆具於吾目之中非可以見不見限也心之所想者有限也然天下之理皆具於吾心之中非可以想不想限也上天下澤內華外夷往古來今其鉅其細其晦其明

皆與吾心同流而無間或感於志氣或動於四體或發
於夢寐層見錯出軸運機旋豈待想而後有因待因而
後有夢耶苟必謂因想而後有夢則是未想之前胸中
本無是物因想而後有是物也未想之前胸中本無是
理因想而後有是理也抑不知心猶地而想特其一塵
耳心猶海而想特其一漚耳以想為心何異指塵為地
指漚為海乎是其為論淺狹潰亂猶未離乎夢中語反
欲證他人之夢甚矣其惑也歷舉左氏所載之夢自晉

文公至於宋得無慮於數十名之以想可也名之以因亦可也至於叔孫穆子夢童牛之貌於牛未至之前曹人夢公孫強之名於強未生之前是果出於想乎果出於因乎雖起樂廣於九原吾知其未必能判是義也以有窮之說而欲盡無窮之理以有外之見而欲測無外之心難矣哉嗚呼理本無窮而人自窮之心本無外而人自外之故左氏之所謂夢出於所因所想之外蓋無幾其餘未有不局於區區念慮之間者也持樂廣之論

以揆之

事見本傳

固已十中其八九矣然醫不至於神治常

疾則精治非常之疾則疎論不至於極談常夢則合談非常之夢則敗魯襄公之夢周公固子服惠伯之所能辨也如使論孔子之夢周公吾不知其何辭以對

晉侯作三行

僖公二十八年晉侯作三行以禦狄荀林父將中行屠擊將右行先蔑將

左行

事固有當責而不可責者奢者可責也多與之財而責其奢不可也醉者可責也多飲之酒而責其醉不可也

晉自武公始受一軍啓封繼以獻公之強衍其一軍為二繼以文公之伯衍其二軍為三猶以為未足復割為三行之制外避天子六軍之名而內偕天子之寶議者並以文公為可責也吾獨以為當責而不可責也亦嘗聞周室軍旅之制乎五人為伍五伍為兩四兩為卒五卒為旅五旅為師五師為軍一軍之制為人萬二千五百司馬法損一人則不足增一人則有餘大國之三軍也地方百里而其人僅足以具三軍也次國之二軍也地

方七十里而其人僅足以具二軍也小國之一軍也地方五十里而其人僅足以具一軍也地有限則人有限人有限則軍有限雖欲僭侈其軍亦窘於無人而不得騁矣王者之於諸侯典祀陵節所當問也車服亂常所當問也宮室改度所當問也樂舞踰數所當問也獨軍旅之制有所不必問焉非軍旅果輕於典祀車服宮室樂舞也感之以地束之以人雖使僭之亦不能僭也王綱上舉侯度下修大不侵小強不犯弱則地有常地人

有常人軍有常軍雖欲如晉之僭豈可得哉晉之所以能僭六軍者適當周室失政之時南吞北噬東攘西畧以斥大其國增地必增人增人必增軍野曠則風勁川漲則舟高國大則兵衆矣夫何疑耶既已容其兼并而反責其軍制之僭是猶多與之財而責其奢多飲之酒而責其醉也此吾所謂事有當責而不可責者也為周室計者當深絕其晉兼并之原至於軍數之多寡則在周室初無損益焉周果能治晉兼并之罪披其地奮其

人則善矣不然則合為一軍者是衆也晉之強自若也
分為六軍者是衆也晉之強自若也是一軍者未分之
六軍而六軍者既分之一軍也吾何為喜其一而怒其
六哉軍數之多寡不足為損益則先王之制禮銖兩毫
髮至嚴而不可踰者果非耶曰賈人不得衣綺縠者政
也盜賊不得衣綺縠非政也盜賊非剽掠不能具綺縠
晉侯非兼并不能具六軍舍其剽掠而責其服之侈儉
舍其兼并而責其軍之多寡可不可耶

周公閱聘魯

僖三十年冬王使周公閱來聘饗有昌歜白黑形鹽辭曰國君文足昭也

武可畏也則有備物之饗以象其德薦五味羞嘉穀鹽虎形以獻其功吾何以堪之

身者寄也軒冕者身之寄也是道家者流之論也人自

送丞相長史而張君嗣厭其勞

見本傳

魯自待宰周公而

姬閱辭其享認而有之非惑耶信如是言則有宰周公

而又有姬閱是身與位為二也蘇孺文視身與位為二

故指飲故人按故人者為兩事

見本傳

荀道將視身與位

為二故指殺弟哭弟者為兩人

見本傳

傷恩敗教其禍有

不可勝言者非二之罪耶儒者之論則進是矣居其位而無其德為身之羞居其位而黜其禮為位之羞身者一夫之私也位者萬世之公也周公閱以德薄自愧不敢受魯之享抑不思所居者上宰之官所持者天子之節所享者先王之禮今徒以一夫之無德而廢萬世之常尊是避身之羞而為位之羞也是知身之當其禮而不知身之不足當其位也如愧之莫若亟去其位位則受之禮則辭之受其大而辭其細豈不甚可責耶以儒

者之論而責周公閱固無所逃罪然吾竊有所矜焉周公之位自周文公之沒居其位者不知其幾人也使于四方享昌歟白黑形鹽之享者又不知其幾人也彼豈皆德與禮稱受之而無愧耶晏然居之欣然樂之未聞有一人以德薄辭者至周公閱之居此官受此享怵惕內愧對大賓大客之前痛自羞薄不敢少安其不能辭位固可責吾未嘗不獨矜其愧心之猶在也其視前後數公既不辭位又不辭禮驕泰奢侈者豈不賢耶其視

道家者流傲誕荒唐視身與位為二物者豈不賢耶范

鞅一陪臣猶索十牢於禮之外

昭二十三年

周公閱以天子

之宰乃肯辭備物於禮之內儒者不矜其愧心而責其迹吾竊恨儒者之不恕也然既曰知愧矣不愧其大而愧其細獨何歟吾又未見儒者之不恕也

臧文仲如晉分曹田

僖三十一年春取濟西田分曹地也使臧文仲往宿於重

館重館人告曰晉新得諸侯必親其共不速行將無及也從之分曹地自洮以南東傳于濟盡

曹地也

利則居後害則居先此君子處利害之常法也是故見利而先謂之貪見利而後謂之廉見害而先謂之義見害而後謂之怯皆古今之定名未有知其所由始者也人之於利憂其銳而不憂其怠憂其急而不憂其緩憂其弱而不憂其忘天下豈有憂蟻之避羶憂蚋之捨醯者耶晉文公私有討於曹披裂其地為諸侯者坐視不能救則亦已矣乃乘其危而共取其利是誠何心也臧文仲所以遲遲其行者其亦怛怛而有所不安歟異哉

重館人之論也曰晉新得諸侯必親其共不速行將無
及也重館之人所謂共其諸異乎聖人之共歟信如是
說則狡商庸賈趨利如風雨者皆重館人之所謂共也
世之共者何其多耶彼逡巡推揖恥於冒私之君子格
以重館人之言皆不共之大者其說陋甚雖始學者猶
知謝而卻之孰知以臧文仲之賢反為其說之所動乎
昔萬章與石顯善顯免官歸留物數百萬與章章不受
曰吾以布衣見哀於石君石君家破不能有以安也而

受其財物此為石氏之禍萬氏反當以為福耶

見漢游俠傳

魯與曹同出姬姓並列諸侯其恩義信誓之重非如石顯萬章一時之私交也魯坐視曹之翦覆不惟不能辭其地又奔走而趨之以曹之禍為魯之福曹謂臧文仲之賢不如萬章乎使臧文仲緩轡徐驅徘徊不進以致吾不忍之意雖後諸侯之期不得尺土以歸吾親親之義已盡矣今冒利競進雖得地之多吾恐文仲所喪者之多於地也前日魯僖之請復衛侯文仲嘗為謀主矣

其言曰諸侯之患諸侯恤之所以訓民也君盍請衛侯以示親於諸侯且以動晉夫晉新得諸侯使亦曰魯不棄其親其亦不可以惡於是納玉於晉以免衛侯

見魯語

衛一體也免衛之難其義既可以動晉辭曹之田其義獨不可以動晉乎文仲於衛則割我之所有棄之而不惜於曹則奪彼之所有受之而不疑是非恩衛而仇曹也本心易失而利心易昏也吁可畏哉雖然太公之就封道宿行遲逆旅人曰客寢甚安殆非就國者也太公

聞之夜衣而行黎明至國則萊侯既與之爭營丘矣

史記

齊世家

太公聽逆旅之言其亦未免於趨利歟非也君子

固不以利自浼亦不以利自嫌也一國之重有民人焉
有社稷焉吾其可避趨利之小嫌濡滯逗留使為姦寇
之所伺乎故太公之不可遲猶臧文仲之不可速也然
受封分地之事逆旅重館之言其同其異其是其非相
去間不容髮若之何而辨之曰在明善

晉作五軍以禦狄

僖三十一年秋晉蒐于清原
作五軍以禦狄趙衰為卿

為善未盡猶愈不為改過未盡猶愈不改堯舜之善非
可一日為也桀紂之惡非可一日改也百善而有其一
固可漸自附於堯舜矣百過而去其一固可漸自離於
桀紂矣雖然為善未盡者君子固矜而進之也寬而待
之也徐而誘之也至於人之改過者君子必用其察焉
改過而未盡者在所恕改過而不盡者在所誅始發之
善端新而未固已染之惡習舊而難除是改過未盡者
也是力不足者也錙其毫末以蓋丘山之愆去其一二

以塞衆多之議是改過不盡者也是誠不足者也力不足者猶有時而足焉誠不足者前過未盡今偽已生是益其過耳何改過之云乎曾不如不改之為愈也瞑眩之藥不可再投背城之戰不可再接再藥未投雖危疾猶有望其瘳戰未接雖危國猶有望其勝一發而不中則其望窮矣過而不改者雖元惡大憝君子猶不忍輕絕何也所恃者改過之術存也乃若改過而不肯盡略爾裁抑苟以欺人則是改過之術既試而不効矣夫復何

所望耶積昏所以致明也積蔽所以致通也積迷所以致悟也人心至神雖懵懵罔罔不知過之當改久閉斯開久鬱斯發是惟無改改則若決江河而莫能禦矣三年鍾鼓之間乃所以陰養其一日之修省也今既知過之當改反毛舉細故公為欺誕以竊改過之名是既累其心於不誠矣心既不誠則善端何時而復發耶本無昏安得明本無蔽安得通本無迷安得悟吾是以知改過不盡者終無改過之路也晉文公始兼三行三軍之

制以擬天子之六軍曾未數年知僭侈之過復蒐於清
原損其一而為五軍焉晉文公果知過之當改則亟出
令盡復諸侯之舊可矣乃於改過之時而為文過之事
創立軍制上則異於天子下則尊於諸侯明知其過而
不能盡改外邀恭順之名內享泰侈之實其機不可謂
不巧其謀不可謂不譎矣巧如是譎如是其良心乎偽
心乎良心無巧巧者偽心也良心無譎譎者偽心也軍
雖損其一而偽心之增者不知其幾矣嗚呼易則易于

則于易于雜者未之有也天下之分非君則臣天下之俗非夷則夏天下之事非善則惡天下之說非正則邪出臣則入君出夷則入夏出善則入惡出正則入邪天下豈有出乎此而不入乎彼者耶宜晉文之心勞日拙也

左氏博議卷十五

欽定四庫全書

左氏博議卷十六

宋 呂祖謙 撰

先軫死狄師

僖三十三年狄伐晉及箕晉侯敗狄于箕卻缺獲白狄子先軫曰匹夫逞

志於君而無討敢不自討乎免胃入狄師死焉狄人歸其元面如生

至難發者悔心也至難持者亦悔心也凡人之過狠者
遂之詐者文之愚者蔽之吝者執之誇者諱之急者安
之孰能盡出數累之外而悔心獨發者乎是悔也未發

則憂其難發既發則憂其難持曷為其難持也悔心初發自厭自愧自怨自咎戚然焦然不能一日安苟無以持之則自厭者苟且弛縱必入於自肆矣自愧者退縮羞赧必入於自棄矣自怨者鬱積繳繞必入於自懟矣自咎者憂憤感激必入於自殘矣是悔固可以生善亦可以生不善也萬斛之舟放乎滄海非遇大風則不回苟操舟者無以持之固有因風力之勁而反致覆溺者矣舟之所以回者風也舟之所以溺者亦風也一念之

悔其勁烈蓋甚於風烏可不知所以持之耶吾讀左氏

至先軫之死未嘗不嘉其悔而又傷其無以持悔也軫

以晉襄公之縱秦囚不顧而唾

僖三十二年夏晉敗秦師于殽獲百里孟明視

西乞術白乙丙以歸文嬴請三帥使歸公舍之先軫怒曰武夫力而拘諸原婦人暫而免諸國墮軍實而長寇

讎亡無日矣不顧而唾

無禮於君甚矣及箕之役深悔前過免胄

而死於狄師其一念之勁烈如此使有以持之固可以

一日而收克已復禮之功矣惟其無以持之不用是力

於禮義而用是力於血氣身為元帥揔三軍之重而輕

棄其身身死無名驕敵辱國沒有餘責殆與自經於溝壑者等耳先軫所犯者晉君也所死者狄師也前日犯君者謂之悖今日死狄者謂之狂聞以義掩利矣聞以善掩惡矣曰悖曰狂其過惟均豈聞有為狂而能掩悖者乎先軫未能改前日之過而適所以生今日之過也先軫意在於改過而反至於生過失不在於悔而在於不能持其悔也風之無力者不能回舟至於風勁者惟善操舟者為能持之悔之無力者不能遷善至於悔力

之勁者惟善治心者為能持之如使人之有過者不自
厭自愧自怨自咎則終始如此而已矣厭愧怨咎正吾
入德之門然毫釐之差復陷於過果何以持之乎曰負
擔而趨家者不勝其勞弛擔而至家者不勝其逸負擔
之勞乃所以為弛擔之逸也悔過之初厭愧怨咎改過
之後舒泰恬愉先軫悔過而至于殺其身意者徒知悔
而未知改乎使果能持其悔亟改而歸之善則舒泰恬
愉之地自有真樂必不肯輕殺其身也既歸家則忘其

勞既改過則忘其悔豈有既歸而猶勞既改而猶悔者乎是則勞獨當改也悔亦當改也

白季舉卻缺

僖三十三年初白季使過冀見冀缺

諸文公曰敬德之聚也能敬必有德德以治民君請用之臣聞之出門如賓承事如祭仁之則也公曰其父有罪可乎對曰舜之罪也強鯀其舉也興禹管敬仲桓之賊也實相以濟康誥曰父不慈子不祇兄不友弟不共不相及也詩曰采芣采芣無以下體君取節焉文公以為下軍大夫反自箕襄公以三命命先且居將中軍以再命命先茅之縣賞胥臣曰舉卻缺子之功也以一命命卻缺為卿復與之冀

人之觀隨所遇而變過朝廷則觀政過障戍則觀備過
營壘則觀兵過廛市則觀貨所觀未嘗不隨所遇也惟
因所遇而觀故將求士者必之庠焉序焉校焉塾焉捨
庠序校塾而適野則所見畎畝而已矣稼穡而已矣農
夫而已矣於此而求士是猶求魚於山求獸於海果何
從而得之哉彼白季出使而得冀缺於耕鋤之間其亦
異於人之觀矣白季文公之近臣也居則華屋出則雕
軒方其奉君命而使佩玉長裾光麗溢目麾幢旌節貴

震一時使他人居之則意必滿氣必揚下視農夫霑體
塗足之勞將顰蹙嘔噦而不肯觀矣況東阡西陌不知
其幾畝也前耘後耕不知其幾人也婦饁子餉不知其
幾家也焚焚闐闐往來如織何以辨其孰肅孰慢孰莊
孰肆孰敬孰怠耶白季於道路駐足之頃驟拔箕缺於
千鎛萬笠之間舉之於君列之於卿大夫之間迄為名
臣不負所舉吾不知白季且何術以觀之也蓋嘗聞之
昔之在公卿之位者未嘗不求士為首務旦之所思

者士也暮之所思者士也在朝退朝出疆入疆未嘗須
臾忘士思之既深故雖田野之間莽蒼之外寸長片善
未有不投吾之意而動吾之目者吾非數數然求見之
也吾心在於求士則士自見於吾心也鑑以照物為職
吾明既徹則物自入其照公卿以求士為職吾誠既立
則士自入其求如使本無求士之誠則雖左顧右盼見
一人而問之又見一人而質之體煩目眩精耗神竭而
所謂真賢實能者未必不失之交臂之間矣觀茅容之

避雨者未有知容之賢者也而郭泰獨知之者非泰之

觀異於衆人泰求士之心異於衆人也

後漢茅容耕於野時與等輩避

雨樹下衆皆夷踞相對容獨危坐愈恭林宗行見之而奇其異遂與共言因勸令學卒以成德

過冀缺

之耕饁未有知缺之敬者也而曰李獨知之者非季之

見異於衆人季求士之心異於衆人也苟所觀者以目

而不以心則見避雨而偶不箕踞者遽謂之茅容見耕

饁而偶不嫚侮者遽謂之冀缺可邪吾嘗攷曰季冀缺

之事而知古今風俗之變有大不同者焉古者公卿有

不遇之歎而布衣無不遇之歎後世布衣有不遇之歎而公卿無不遇之歎古者公卿以求士為己責故常以不遇賢者為憂至於布衣外無責內無憂囂囂然何往而不遇哉故曰季惟恐不遇箕缺而箕缺不恐不遇曰季也後世之公卿以得位為遇後世之布衣以無位為不遇下求之愈急上應之愈緩而風俗日以薄矣非自拔於汙俗之中殆未足與論遇不遇之真在也

晉陽處父侵蔡楚子上救之與晉師夾道泝水而

軍

晉僖三十三年晉陽處父侵蔡楚子上救之與

文不犯順武不違敵子若欲戰則吾退舍子濟而陳遲速唯命不然紓我老師費財亦無益也乃駕以待子上欲涉大孫伯曰不可晉人無信半涉而薄我悔敗何及不如紓之乃退舍陽子宣言曰楚師遁矣遂歸楚師亦歸太子商臣譖子上曰受晉賂而辟之楚之耻也罪莫大焉王

殺子上

國毀當辨身毀當容國辱當爭身辱當受是固不可格

以一律也昔夫子能忍匡人之圍見論語而不能忍萊夷

之兵見家語能忍南子之見見論語而不能忍優施之舞見家語

語聖人之心何其多變也繞指之柔忽變而為擊柱之剛緩帶之和忽變而為奮髯之怒迭弛迭張迭弱迭強闔闢推移不主故常是非聖人樂於多變也處身之與處國其法固不相叅也毀辱在身聖人納之而不校也此匡人之圍南子之見夫子所以未嘗一動念也毀辱在國聖人競之而不置也此萊夷之兵優施之舞夫子所以未嘗一毫貸也楚子上為陽處父所薄而退舍加以遁逃之謗為子上者盍思是謗其身之謗乎其國之

謗乎使所謗止於子上之身則不與之校者盛德也閔
量也大度也今遁逃之謗不專及其身而且及其師不
專及其師而且及其國為子上者安可嘿嘿受謗遽帥
師而歸乎楚與晉爭衡久矣一旦為陽處父而被以逃
遁之名子上曾不出一語與之競天下必以為楚師之
真遁皆將雄晉而雌楚吾不知而今而後幾戰幾勝而
後可洗此耻耶然則為子上者將奈何曰夾泚之師兩
軍相望先濟不可也先退亦不可也先濟則晉將乘之

逞邀擊之計先退則晉將藉之為班師之名子上盍當
退舍之際遣一介之使以告晉師曰大國有命敝邑不
敢違是以此為大國退既成列矣使人敢請濟期彼
陽處父無辭以對然後卷甲而趨之雖使不及晉師然
遁逃之名將在晉而不在楚矣處父何自駕其謗商臣
何自入其譖哉大抵君子勇於公而怯於私在家庭在
鄉黨在田野含垢忍耻見侮不校恂恂愉愉人百欺之
而不以為忤在廟堂在軍旅在官府燭奸擿隱洞見肺

肝凜凜冽冽雖人一欺之亦未嘗容其所以不移朝廷
軍旅官府之勇而變家庭鄉黨田野之怯非嫌於私已
也一已之尊萬物無對其所以不與人校者非不敢校
也不見有可校者也舉槌擊空適以自勞舉刀斷水適
以自困彼之來毀譽者適所以自損耳吾從容無為而
置彼於不足校之地勇不既大矣乎至於國家之事則
存亡安危繫焉不得已而出力與之校校而以力則其
威褻矣是知怯於私者衆人以為怯而君子則以為勇

之大也

周叔服相公孫敖二子

文元年王使內史叔服來會葬公孫敖聞其能相人

也見其二子馬叔服曰穀也食子難也收子穀也豐下必有後於魯國

越椒生而

文子知其滅若敖氏

宣四年初楚司馬子良生越椒子文曰必殺之是

子也熊虎之狀而豺狼之聲弗殺必滅若敖氏矣諺曰狼子野心是乃狼也其可畜乎子良不

可子文以為大憾及將死聚其族曰椒也知政乃速行矣無及於難且泣曰鬼猶求食若敖氏

之鬼不其餒而及令尹子文卒鬬般為令尹子越為司馬蒍賈為工正諧子揚而殺之子越為

令尹已為司馬子越又惡之乃以若敖氏之族圖伯嬴於轅陽而殺之遂處魚野將攻王師于

漳瀕秋七月楚子與若敖氏戰于臯許遂滅若敖氏伯石生而叔向之母

知其喪羊舌氏

昭二十八年初叔向欲娶於申公巫臣氏其母欲娶其黨叔向

曰吾母多而庶鮮吾懲舅氏矣其母曰子靈之妻穀三夫一君一子而亡一國兩卿矣可無懲乎向懼不敢取平公強使取之生伯石伯石始生子容之母走謁諸姑曰長叔姒生男姑視之及堂聞其聲而還曰是豺狼之聲也狼子野心非是莫喪羊舌氏矣遂弗視

勢相敵而後訟未有非其敵而訟焉則大者喪其為大矣公卿之於皂隸也巨室之於寡民也儒者之於卜祝也邈乎其勢之不相敵也親屈公卿之貴而與皂隸訟

親屈巨室之富而與婁人訟親屈儒者之重而與卜祝
訟勝之不武不勝為笑適以自卑而已矣荀卿以大儒
而著非相之篇

荀非相篇

下與卜祝較何其不自愛也彼挾

相術以苟衣食者卑冗凡賤厠迹於巫醫優伶之間仰
視儒者如斥鷃望大鵬於羊角扶搖之上敢有一毫爭
衡之心乎荀卿忽降尊貶重譏譏然與相師辨連簡累
牘而不已是書一出相師之氣坐增十倍互相告語以
謂我何人也卜祝也彼何人也儒者也我何足以致彼

之爭彼亦何苦於我爭也今彼乃明目張膽極其辨而與我爭曲直恐不勝者是必我之道可以與彼抗也由是卜祝之流人相勸家相勉支分派別相形之術遂蔓延於天下矣然則荀卿之於相術將以排之適以助之將以抑之適以揚之非相之篇吾恐未免為是相之篇也自孔子以前相術固已槩見於世矣若周叔服相公孫敖之二子一言其必食子一言其必收子是以相而預言人之福也子文及叔向母見越椒伯石之始生一

言其必滅若敖氏一言其必喪羊舌氏是以相而預言
人之禍也數十年之後福焉而福禍焉而禍無一不合
誇於口者有之筆於書者有之孔子未嘗過而問焉豈
孔子衛道之心反緩於荀卿耶孔子以謂天下之曲伎
小術雜焉而不可縷數如蝸蟬蛙蠅自鳴自止本不足
為吾道之輕重苟獨取其一而辨焉則天下必以是為
術也至勞聖人與之辨必其道可與聖人抗殆將有陷
溺而從之矣是不能為吾道損一異端反為吾道增一

異端也天下本未嘗以異端待相術荀卿強斥以為異
端而與之辨無故而為吾道增一異端非卿之罪耶吾
觀孔子周遊於天下鄙夫陋人每以區區相術而窺之
有曰顓類堯也有曰項類臯陶也有曰肩類子產也見家
語孔子與門弟子聞之不過付之一笑耳豈非曲伎小
術初不足與論是非耶乃若吾夫子之門自有相書殆
非卜祝所誦之相書也申申天天即孔門相容貌之術
閭閻侃侃即孔門相言語之術躩如翼如即孔門相步

趨之術勃如怡如即孔門相顏色之術

並論語鄉黨

一部一

位一占一候毫釐不差季咸康舉許負之術至是皆敗矣魯子傳此相書以相人故發而為動容貌之論子思傳此相書以相人故發而為動乎四體之論孟子傳此相書以相人故發而為眸子瞭眊之論荀荀卿得孔門之相書將心醉服膺之不暇何暇非他人之相書耶

閏三月非禮

文元年於是閏三月非禮也先王之正時也履端於始舉正於中歸餘於

終履端於始序則不愆舉正於中閏不告朔

文六

年閏月不告朔非禮也閏以正時時以作事事以厚生生民之道於是乎在矣不告閏朔棄時政也何辰在申再失閏襄二十七年十一月乙亥朔日有食之辰在申

司歷過也再失閏矣火西流司歷過哀十二年冬十一月

尼曰丘聞之火伏而後蟄者畢今火猶西流司歷過也

天下之事有若贅而實不可損者君子之所當察也三月而春三月而夏三月而秋三月而冬孟其始也仲其中也季其終也孟仲季之月具而始中終之序全殆不可一毫加益彼所謂閏者果何為者耶閏在春則春之

贅也閏在夏則夏之贅也閏在秋則秋之贅也閏在冬則冬之贅也閏之附於四時若附贅然聖人果何為置之耶及問諸知歷者然後知閏者實歷數之基本四時之所待而正者也太極運三辰五星於上而元氣轉三統五行於下上下經緯而天下至變生焉苟不置閏以通其變則周天之餘度誰與受之暮年之餘日誰與受之以有常之歷而追無常之天日踈日遠日舛日差積而至於久將見歷在震而時已夏矣歷在離而時已秋

矣此魯歷之差仲尼之譏左氏之論未嘗不本於置閏也閏定則歷定歷定則時定孰知吾向日視為贅物者乃歷數之大本乎因歷數而例其餘則吾平居嗤笑以為贅而無用者未必非至理之所在也一揖可矣三揖則贅再拜可矣百拜則贅終日恪誠足以格鬼神乃贅為七日之齋終年勤苦足以通倫類乃贅為九年之學是皆吾平日之甚不快猶是閏之贅也以閏為贅而損之則所差者特寒暑之節耳至於以揖為贅者損之又

損必至於不揖以拜為贅者損之又損必至於不拜以
齋為贅者損之又損必至於不齋以學為贅者損之又
損必至於不學然則聖人之教凡世指為苛細繁委贅
而無用者皆可以陰養天下之有用也豈止一閏法而
已哉雖然斗指兩辰謂之閏是閏非辰之正也後漢律
歷志月無專建謂之閏是閏非月之正也公羊
傳中氣不在謂
之閏是閏非氣之正也後漢律
歷志如是則人非特以為贅
天固以為贅矣曰非也閏者歷之樞也使斗杓可得而

指月建可得而名中氣可得而攝則是亦四時之一耳
何以定四時而成歲乎惟閏也非辰之辰而斗杓所不
能指非月之月而月建所不能名非氣之氣而中氣所
不能攝居章會統元之間視之若贅而千載之日繫焉
為歷官者安可棄而不考耶天下之理固有手之所不
能指口之所不能名說之所不能攝古今共棄而不攷
者矣此又非歷官之責也

楚太子商臣弑成王

文元年初楚子將以商臣為太子訪諸令尹子上子上曰

君之齒未也而又多愛黜乃亂也楚國之舉恒在少者且是人也蠹目而豺聲忍人也不可立也弗聽既又欲立王子職而黜太子商臣商臣聞之而未察告其師潘崇曰若之何而察之潘崇曰享江芊而勿敬也從之江芊怒曰呼役夫宜君王之欲殺女而立職也告潘崇曰信矣潘崇曰能事諸乎曰不能能行乎曰不能能行大事乎曰能冬十月以宮甲圍成王王請食熊蹯而死弗聽丁未王縊諡之曰靈不瞑曰成乃瞑焉

天下之言察於利害未驗之前人皆以為難察於利害既驗之後人皆以為易鯨能欺四嶽於九載之初而不能欺比屋於九載之後見尚書非比屋果智於四岳也未

驗之與已驗其難易固不同也少正卯能欺子貢於兩觀方誅之始而不能欺市人於兩觀既誅之餘

見家語

非

市人果智於子貢也未驗之與已驗其難易固不同也未見汨陳之禍而能察繇之策則天下皆堯矣未見偽辨之慝而能察少正卯之言則天下皆孔子矣如必待既驗而後察之特比屋市人之智耳是故出夏癸於南巢則必思伊尹不可再留起商辛於牧野則必思祖伊不可再用

並見尚書

脫夫差於姑蘇則必思子胥不可再生

史記吳世家

當利害既驗之後雖至愚極暴之人猶知其可從而悔其不從也然則天下之言當利害未驗之時察之安得不謂之難乎自利害既驗之後察之安得不謂之易乎吾獨以為利害之未驗察言者若難而實易利害之既驗察言者若易而實難吾非樂與說者反也所謂正言似反者也利害未驗之前利未見利害未見害吾心未為利害之所分則所用以察言者皆心之正也以吾心之正而察天下之言其善其惡其邪其正畢陳

于前而莫能遁非難而易耶至於利害既驗之後吾見其言之驗則竊意其言之可從是以事信之而非以心信之也吾見其言之不驗則竊意其言之不可從是以事疑之而非以心疑之也信與疑不出於心而出於事其弊可勝既耶人臣之以是諫非者君從之則有利君不從之則有害後世因其事之驗而信其言之驗可也抑不知天下固有以非諫非者雖能知君之過而已之諫亦不免於過雖能舉君之失而已之諫亦不免於失

君不從其言固有害也君從其言亦有害也後世徒見其君不從其言之害而不見從其言之害溺其事之驗而忘其理之差爭拾其遺說而襲之蓋有亂亡相尋而不悟者矣此吾所謂若易而實難者也楚子上之事是已子上諫楚成王之立商臣既中楚成之非矣而子上之所以諫者亦未免於非也既曰君之齒未也而又多愛黜乃亂也又曰楚國之舉常在少者此二說者實萬世禍亂之權輿使楚成從其前之說則國本不建儲位

久虛得無起覬覦之姦乎使楚成從其後之說則嫡庶
不明長幼失序得無開篡奪之萌乎此二禍者吾未知
與熊蹯之變孰先孰後也後世徒見子上料商臣之驗
遂信其言而納於禍有以立嗣為諱如唐宣宗者

見本紀

實子上齒未之言誤之也有以庶孽奪宗如隋文帝者

見本紀

實子上舉少之言誤之也其餘以此隊命隕姓者

未易枚舉豈非樂已驗之言而蹈未見之禍乎彼商臣
之惡有非梟鴟其心者皆知疾趨而避之其禍後世殆

未若子上之烈也張角不足為漢禍而討張角者乃為

漢禍

魏曹操

盧循不足為晉禍而滅盧循者乃為晉禍

宋劉

裕

商臣不足為萬世禍而排商臣者乃為萬世禍天下

之禍固有機於此而動於彼者矣夫豈始慮所及耶

晉襄公朝王先且居胥臣伐衛

文元年晉文公之季年諸侯朝晉衛

成公不朝晉襄公既祥使告于諸侯而伐衛及南陽先且居曰效尤禍也請君朝王臣從師晉

侯朝王于溫先且居胥臣伐衛

因人而有過者君子不謂之過因人而有善者君子不

謂之善周公之過因管叔而過也過在管叔而周公何

與焉

孟子公孫丑下陳賈見孟子問曰周公何人也曰古之聖人也曰使管叔監殷管叔以殷畔也有諸

曰然曰周公知其將畔而使之與曰不知也然則聖人且有過與曰周公弟也管叔兄也周公之過不亦宜乎

孔子之過因昭公而過也過在昭公而孔子何與焉

論語

述而陳司敗問昭公知禮乎孔子曰知禮孔子退揖巫馬期而進之曰吾聞君子不黨君子亦黨乎君取於吳為同姓謂之吳孟子君而知禮孰不知禮巫馬期以告子曰丘也幸苟有過人必知之

過端發於

人而不發於己是安得為周孔累哉漢高帝因傾項籍

而為義帝服非真悲也為服所以挫羽也

見漢高帝本紀劉裕

因傾桓玄而興復晉祚非真忠也復晉所以滅玄也

南史宋高

祖紀時無項籍則高帝必不為服義帝之喪時無桓玄則

劉裕必不唱復晉祚之師其為善果出於已耶因人而過者猶鑑遇嫫母而醜本非鑑之醜也因人而善者猶木託於岳而高本非木之高也是故因人而有過者雖百過不足尤因人而有善者雖百善不足喜為善由已而由人乎哉晉襄公即位而朝王于溫人皆善其尊周也及考其朝王之由蓋將討衛之不朝故身先朝周以

責之其意曰周王也晉霸也衛小侯也晉獨朝周而衛不朝晉可乎故朝王之事名為尊周而實則討衛也因討衛而後朝周非因朝周而後討衛也然則尊王之善豈襄公之本心哉特因衛而發耳向若衛侯之車先叩於晉關則吾知晉襄公之旆未必入於周境矣彼因人而有善者果足以為善耶臣之於君猶子之於父也子必因責人而始敬父則父得子之敬寡矣臣必因責人而始朝君則君得臣之朝寡矣周之諸侯苟皆若晉襄

之用心則是父無故終不得子之敬君無故終不得臣之朝也又況子之敬父自敬汝父耳於人何有臣之朝君自朝汝君耳亦於人何有挾敬父之孝而辱人者必反為人所辱挾朝君之忠而陵人者必反為人所陵使晉襄之事周春秋覲史不絕書亦昏定晨省之常耳猶不足以自高況甫陟周之庭遽傲然自足鳴鐘擊鼓峻責他人之無禮安得不納孔達之侮哉


孔達衛大夫

世有

妄人嘗拜其父者他日執塗人而責之曰我常拜父汝

何為不拜我天下未有不笑其狂者晉襄之責衛非此類耶雖然無諸已而後非諸人大學之道也大學古之遺言也晉襄先朝王而後責衛似合於大學之旨庸可毀耶非也觀書要當忘言而得意大學之意在於無諸已而不在於非諸人也欲學者將非人之時常思無諸已之戒不欲學者持無諸已之論用為非人之資也故先曰無諸已次曰非諸人其意主於攻已過而不主攻人過明矣黜吏姦民將與人訟必痛自刻削不入文法

鄉閭未有以修飾許之者以其身之治而心之險也豈
有士君子而嘗懷非人之心者耶吾恐說經者以文害
辭浸入黠吏姦民之用心故力辨之以告吾黨之士云



左氏博議卷十六

欽定四庫全書

經部

左氏博議卷十七至

詳校官監察御史臣李陽樞

給事中臣溫常綬覆勘

總校官庶吉士臣何思鈞

校對官編修臣朱攸

謄錄監生臣宋錯

欽定四庫全書

左氏博議卷十七

宋 呂祖謙 撰

禘太廟僖公

文二年秋八月丁卯大事于太廟躋僖公逆祀也夏父弗忌為宗伯尊僖

公且明見曰吾見新鬼大故鬼小先大後小順也躋聖賢明也明順禮也君子以為失禮禮無

不順祀國之大事也而逆之可謂禮乎子雖齊聖不先父食父矣故禹不先鯀湯不先契文武

不先不窋宋祖帝乙鄭祖厲王猶上祖也是以魯頌曰春秋匪解享祀不忒皇皇后帝皇祖后

稷君子曰禮謂其後稷親而先帝也詩曰問我諸姑遂及伯姊君子曰禮謂其姊親而先姑也

順祀先公

定八年冬十月順祀先公而祈焉辛卯禘于僖公

議禮如聚訟斷禮如聽訟競禘爭祫駁郊難社大訴牒也据章守句執文秉法大券契也棟充宇積帙千簡萬大案牘也前師後儒乃禮中之證佐黨同伐異乃禮中之讎敵析言曲辨乃禮中之姦氓斷禮者苟欲隨事而析之隨說而應之彼以經來我以經對彼以傳來我以傳對彼以史來我以史對是猶聽訟者欲與珥筆之民爭長於律令質劑之間終必反為所困而已矣善聽訟

者出於律令質劑之外折以人情一言而訟可息善斷
禮者出於詁訓箋釋之外折以人情一言而禮可明人
情者訟之所由生亦禮之所由來也吾先得其所由生
者而制之自綱觀條自源觀派物迴縷解氷釋露晞雖
老於議禮者墜筆失簡莫敢支梧苟舍其本瑣瑣然下
與彼角逐於詁訓箋釋之間是固彼之所長而我之所
短也以我之所短而遇彼之所長其受侮也則宜此古
今斷禮者所以每為人屈而鮮有能屈人者也魯祀僖

公始逆終順禮家之說互有從違其論篤而義精者固多矣未有折之以人情者也吾請悉置禮家之說而專以人情明之人之情欲尊其親者將欲為親榮也尊吾父而坐之吾伯父之上則人必以吾父為不弟矣尊吾父而置之吾君之上則人必以吾父為不忠矣不弟大惡也不忠大刑也本欲尊吾父而納之於大惡本欲尊吾父而納之於大刑為人之子無故而納父於大惡陷父於大刑非不孝之尤者乎生與死一理寢與廟一制

宴與祀一儀也文公溺於夏父弗忌之諂躋僖公於閔公之右以尊其父胡不以人情推之若使閔公僖公俱無恙一旦忽使僖公以弟躋凡以臣躋君則謗讟之集刑戮之加不旋踵矣是則愛僖公者乃所以辱僖公也人情自非大不孝未有忍辱其親者亦未有見辱其親而不怒者苟文公誠不為枝辭蔓說所蔽獨斷以常情則知夏父弗忌者乃吾父之讎將奮戈之不暇豈有反聽其說者乎躋僖公於閔殆百餘祀想僖公有神震慄

惶灼蹙然不寧日望一日歲望一歲庶幾人或正之得
還昭穆之舊而魯之臣子例皆蒙蔽不能度以人情因
謬承誤迄莫能正反使順祀之舉出於陽虎之手是可
羞也定八年陽虎將作大事欲以順祀取媚噫唐不能還魏徵之宅反使
強藩請之白居易傳魯不能序僖公之廟反使賊臣正之國
尚為有人乎吾以為魯失寶玉大方之辱定八年未如順
祀之為大辱也

出姜貴聘而賤逆

文四年逆婦姜于齊卿不行非禮也君子是以知出姜之不允

於魯也曰貴聘而賤逆之君而卑之立而廢之棄信而壞其主在國必亂在家必亡不允宜哉詩曰畏天之威于時襄仲殺惡及視立宣公出保之敬主之謂也

姜歸齊

文十八年文公二妃敬嬴生宣公敬嬴嬖而私事襄仲宣公長而屬諸襄仲欲

立之叔仲不可仲見于齊侯而請之齊侯新立而欲親魯許之冬十月仲殺惡及視而立宣公書曰子卒諱之也仲以君命召惠伯其宰公冉務人止之曰入必死叔仲曰死君命可也公冉務人曰若君命可死非君命何聽乃入殺而理之馬矢之中公冉務人奉其帑以奔蔡既而復叔仲氏夫人姜氏歸于齊大歸也將行哭而過市曰天乎仲為不道殺適立庶市人皆哭魯人謂之哀姜

義之所責民略而士詳法之所禁市寬而軍急士吾所厚也責之不當如民之薄也軍吾所重也治之不當如市之輕也此說者之所共守者也君子之意果出於是乎君子以同天下為心者也厚士而薄民重軍而輕市非所以同天下也待之同而治之異者稱物平施而歸之同也為士者身處於籩豆絃歌之間視禮義如寢食而愚鄙之民蓋有不聞禮義之名者矣是士宜不犯義而民宜犯義者也在軍者身處乎旗鼓鈇鉞之間視法

律如寢食而市廛之氓盖有不聞法律之名者矣是軍
宜不犯法而市宜犯法者也宜不犯義者責之詳宜犯
義者責之略宜不犯法者治之急宜犯法者治之寬其不
同乃所以為同也是所謂稱物平施者也抑又有說焉
居於義之中而犯義居於法之中而犯法非盡滅棄義
法而不顧必不赦也其法雖小而蔑棄義法之心則大
也彼其處於義與法之外者雖過惡暴著特未知義法
而然耳身過雖大而心過則小矣天下之過有衆人以

為大而君子以為小者必身過也有衆以為小而君子以為大者必心過也魯文公迎姜氏於齊命使差輕是衆人之所謂小過耳而君子視之若大惡然論姜氏之逐魯國之禍皆本之於一使之不備驗襄仲之難其言無不讎者其所觀者在心不在事也魯人之於禮猶越人之漁胡人之獵也晝與禮俱作夜與禮俱息不見異物而遷者也失禮之愆在他國則可在魯國則不可蓋越人不能獵非耻也胡人不能漁非耻也在越而不能

漁在胡而不能獵則舉國笑之矣蓋生漁獵之俗而不能者必天下之至拙生禮義之俗而不守者必天下之至慢也一使之不備他國之所謂小過而魯之所謂大過也一使之不備其事固小至於蔑棄周公數百年之禮法其心則大也履堯舜之朝而為欺者真欺也欺一言重於他時之欺萬言者也入夷齊之里而為盜真盜也盜一金重於他時之盜萬金者也見堯舜而敢欺事夷齊而敢盜居魯國而敢犯禮推是心以往何所不至

耶惡發於心者大則禍應於心者亦大是非報其事也
報其心也非報其人也報其天也晉楚齊秦聘娶之際
其犯禮盖有大於出姜者矣而其得禍不皆若桓公之
烈者桓公遭彭生之禍以其冒禮而非侮禮事雖醜而心則未
如桓公之縱也不然則桓公一過而得譴他君百過而
無尤天何私於晉楚齊秦而獨讎魯耶

楚滅六蓼

文五年六年叛楚即東夷秋楚成大心仲歸帥師滅六冬楚子變滅蓼滅文仲

聞六與蓼滅曰臯陶庭堅不祀
忽諸德之不建民之无援哀哉

物莫不惡傷其類桃僵而李仆若櫟若櫟必不為之仆何也非其類也芝焚而蕙歎若蕭若艾必不為之歎何也非其類也楚人滅江而秦穆為之憂

文四年

君子未嘗

疑焉秦之與江同諸侯也同盟會也同利害也類同則憂同固其所也臧文仲魯國一大夫耳大夫束脩之間不出境其視他國之休戚固非職所當憂況六與蓼邈然在江淮之間自魯視之蓋風馬牛不相及其存與亡何與於魯大夫事哉而臧文仲一聞其滅戚類深憂且

遠傷臯陶之不祀此世之所以共疑其闕於事情也見
故人之子顛頓困阨則惻怛流涕解衣推食之不暇他
日遇塗人之子則是心衰焉必厚其父祖然後憐其子
孫者人之常也臯陶之没下竟春秋千有餘年矣臧文
仲生千有餘年之後吾初不識臯陶於何地友臯陶於
何時而視其子孫之亡憫惜痛悼不啻數十年膠漆之
契是心安從生哉類之同者移千歲為一朝類之異者
睽一朝為千載臯陶之所與同朝者曰共曰鯀曰兜曰

苗禮貌非不相際也言語非不相接也然一則在雲天之上一則在沮洳之下一則在風塵之表一則在膏火之中對席而分胡越接步而判古今想共鯀兜苗之心其視臯陶如寇讎然日夜伺隙惟恐害臯陶之無路耳矧有閔惜其子孫之意哉是所謂時同而類異者也天下之理未嘗無對既有時同而類異者亦有時異而類同者故臯陶近不與共鯀兜苗為類於唐虞之朝而遠與臧文仲為類於春秋之世想文仲之心仰不知臯陶

之在唐虞俯不知身之在春秋無形之中自相拜酬
無聲之中自相賡載跡遠而心近跡踈而心親此所以
見臯陶之不祀慨嘆憫惜不能自己殆甚於合堂同席
之交大抵君子必與君子合小人必與小人合學者欲
自驗其心盍以是觀之吾見君子失志而憂見君子之
子孫衰替而憂則是吾心與君子合也吾見君子失志
而不憂見君子之子孫衰替而不憂則是吾心不與君
子合也憂人之憂本未足稱然吾心與君子合則大可

喜不憂人之憂本未足貶然吾心不與君子合則大可
懼欲占吾心於君子合與不合當察吾心於君子憂與
不憂自省之術孰要於此哉

秦穆公以子車氏之三子為殉

文六年秦伯任好卒以子車氏之三

子奄息仲行鍼虎為殉皆秦之良也國人哀之
為之賦黃鳥君子曰秦穆之不為盟主宜哉死
而棄民先王違世猶貽之法而况奪之善人乎
詩曰人之云亡邦國殄瘁無善人之謂若之何
奪之古之王者知命之不長是以並建聖哲樹
之風聲分之采物著之話言為之律度陳之藝
極引之表儀予之法制告之訓典教之防利委
之常秩道之以禮則使无失其土宜眾隸賴之

而后即命聖王同之今縱無法以遺後嗣而又收其良以死難以在上矣君子是以知秦之不

復東
征也

三良之殉君古今之論是者半非者半是之者壯其志
身之勇也非之者議其忘身之輕也是非之論雖不一
至論其忘身則一而已矣吾獨以謂三良惟不能忘其
身然後殉君使其果能忘身必不至於殉君也殺身以
殉其君非忘身者不能今反謂不能忘身者獨何歟殉
葬非厚也是從君於昏也是納君於邪也是陷君於過

也以三良之明非不知也知之而不敢辭者為其嫌於
愛身也以愛身自嫌者未能忘其身者也使三子果能
忘其身則視人如己視己如人君欲以他人為殉吾固
爭之所爭者殉葬之失也不知其在人也君欲以我為
殉吾亦爭之所爭者殉葬之失也不知其在己也吾尚
不知有吾身又安有愛身之嫌哉身天下之身理天下
之理苟強認其身而有之凡事之涉於吾身明知天下
之正理避嫌而不敢言是橫私天下之身而橫私天下

之理也吾方欲救吾君萬世之惡名豈暇置一身之嫌於其間哉三子果不置嫌於一身之曾中則論已事如論人事居之不疑言之不怍必不至黽勉而受秦穆之命矣其所以寧殺身而不忍犯愛身之嫌者惟其未能忘身也人徒見三子奮然捐軀駢首就死共指之為忘身孰知其所以死實生於不能忘身也歟或曰三子之不能忘身則信要不可謂之不厚其君也吾又以為不然為君計者厚其君者也為其身者厚其身者也三子

若為君計必思殉葬為吾君無窮之累吾身縱不自惜
豈不為吾君惜乎惟其專為身計而不為君計故當秦
穆命殉葬之際謂不從則受偷生之責從之則君受害
賢之責吾知免吾責耳彼君之責吾何預焉是心也果
厚於君乎果厚於身乎然則三子之厚其君乃所以薄
其君也

季文子如晉求遭喪之禮行

文六年秋季文子將聘於晉使求遭喪之

禮以行其人曰將焉用之文子曰備豫不虞古之善教也求而无之實難過求何害八月晉衰

公卒

天下之患不發於人之所備而發於人之所不備十事而記其九來問者必其一之不記者也六經而習其五來難者必其一之不習者也四封而守其三來攻者必其一之不守者也十而九焉六而五焉四而三焉所備者不為不多矣然吾敵者置其九而問其一置其五而難其一置其三而攻其一緣間投隙專擇吾之不備而徑犯之何其逆料陰揣如是之巧邪此世所以共憂為

備之難也然為備而不盡則難為備而既盡則易人之
游於世罕與所長過多與所短遇罕與所精遇多與所
略遇雖左隄右防朝戒暮警偶有毫芒之不盡則禍必
發於此而不發於其他信矣為備之難也是非為備之
難也為備不盡之難也必猶有短然後人得而乘之必
猶有略然後人得而困之無所不長彼孰得以乘吾短
無所不精彼孰得以困吾略苟無所不備禍雖欲發無
所發之地矣是故君子之為備也人以為無我以為有

人以為後我以為先蚤正素定使冑中無一之不備及
與事物接此來則與此應彼來則與彼應從容談笑各
就條理吾是以知為備既盡者如此其易也季文子聘
晉求遭喪之禮而行且卿大夫之出聘所備者郊勞贈
賄之儀耳張旌展幣之節耳專對荅賦之辭耳至於遭
喪之事衆人以為必無後其禮而不講者也魯使如晉
者冠蓋相望而輪蹄相躡豈有他人皆不遭喪而文子
獨遭喪者乎文子獨以為時無止變無常墻數年而一

顏固有適遇其顏者矣人百年而一死固有適遇其死者矣安可恃他人之不遭而必已之不遭者乎於是屬意衆人之所無博講衆人之所後當暇豫之時而汲汲然扣遭喪之禮吾意魯國之人切笑文子之迂闊者多矣噫當暇豫之時而求遭喪之禮文子固迂闊也至晉而果遭襄公之喪使未嘗講喪者處之其槍攘為如何其顛錯為如何及是時回視文子之問禮果迂闊乎果不迂闊乎始笑文子之迂闊者未必不反服文子之精

審也嗚呼晝者夜之對未有常晝而不夜生者死之對
未有常生而不死當晝而謀寢息之具者人未嘗有以
為怪文子當晉侯之存而問遭喪之禮亦何足怪乎矧
文子所問者文子之遭喪耳儻如當生而問死則世愈
不勝其怪駭矣雖然文子猶有所未盡也聘與喪無二
禮而文子獨問喪是猶以喪為異也生與死無二理而
子路獨問死是猶以死為異也異聘於喪故欲備喪異
生於死故欲備死合聘喪為一本貫生死為一條者夫

何備不備之足言哉

趙孟立公子雍

文六年八月晉襄公卒靈公少晉人以難故欲立長君趙孟曰立公

子雍好善而長先君愛之且近於秦秦舊好也置善則固事長則順立愛則孝結舊則安為難故故欲立長君有此四德者難必抒矣賈季曰不如立公子樂辰贏嬖於二君立其子民必安之趙孟曰辰贏賤班在九人其子何震之有且為二嬖淫也為先君子不能求大而出在小國辟也母淫子辟無威陳小而遠無援將何安焉杜祁以君故讓偏姑而上之以狄故讓季隗而已次之故班在四先君是以愛其子而仕諸秦為亞卿焉秦大而近足以為援母義子愛足以威民立之不亦可乎使先

趙孟背先蔑而立靈

公

文七年秦康公送公子雍于晉曰文公之入也無衛故有呂卻之難乃多與之徒衛穆嬴

日抱太子以啼于朝曰先君何罪其嗣亦何罪舍適嗣不立而外求君將焉寘此出朝則抱以

適趙氏頓首于宣子曰先君奉此子也而屬諸子曰此子也才吾受子之賜不才吾唯子之怨

今君雖終言猶在耳而棄之若何宣子與諸大夫皆患穆嬴且畏偏乃背先蔑而立靈公以禦

秦師齊景公使國惠子高昭子立茶

哀五年齊燕姬生子不成

而死諸子鬻似之子茶嬖諸大夫恐其為太子也言於公曰君之齒長矣未有太子若之何公曰

二三子間於憂虞則有疾疾亦姑謀樂何憂於無君公疾使國惠子高昭子立茶真羣公子於

萊秋齊景公卒冬十月公子嘉公子駒公子黔奔衛公子鉏公子陽生來奔萊人歌之曰景公

死乎不與理三軍之事乎不陳乞逐高國哀六

與謀師乎師乎何黨之乎陳乞逐高國年齊

陳乞偽事高國者每朝必驂乘焉所從必言諸

大夫曰彼皆偃蹇將棄子之命皆曰高國得君

必偏我盍去諸固將謀子子早圖之圖之莫如

盡滅之需事之下也及朝則曰彼虎狼也見我

在子之側殺我無日矣請就之位又謂諸大夫

曰二子者禍矣恃得君而欲謀二三子曰國

之多難貴寵之由盡去之而後君定既成謀矣

盍及其未作也先諸作而後悔亦無及也大夫

從之夏六月戊辰陳乞鮑牧及諸大夫以甲入

于公宮昭子聞之與惠子乘如公戰于莊敗國

人追之國陳僖子立公子陽生哀六年八月陳

夏奔莒陳僖子使召公子

陽生陽生駕而見南郭且子曰嘗獻馬於季孫

不入於上乘故又獻此請與子乘之出萊門而

告之故闕止知之先待諸外公子曰事未可知
反與士也處戒之遂行逮夜至於齊國人知之
僖子使子士之母養之與饋
者皆入冬十月丁卯立之

一國之惡易以義奪一夫之惡難以義爭一國至衆也
一夫至寡也義可以勝衆而不可以勝寡何也公與私
之異也有公惡有私惡惡出於公雖衆易奪惡出於私
雖寡難爭故君子之論難易不施諸衆寡之間而施諸
公私之際廢立大惡也晉人欲立長君捨靈公而迎公
子雍齊陳乞欲立長君廢荼而召陽生其惡同也然公子

雍之謀一國之所共宜若難奪而穆羸之弱反能以義奪之陽生之謀一夫之所專宜若易爭而鮑牧之強反不能以義爭之障稽天之浸而不能遏畎澮之流掃燎原之焰而不能息束縕之火抑有由矣晉人之迎公子雍舍家嗣而外求君視置君如奕棋其為惡固不待言然其情非以私已也非以求利也非以危國也惟欲得長君以靖難耳是固晉人之所同欲也事則惡而心則公也其心既公故迎子雍其事未嘗不出於公焉卿士

合謀公之也支庶並擇公之也兩使如秦公之也三軍
並迎公之也舉國之人雖陷於惡逆其心猶誤以為公
一言一動皆明白簡直未嘗有纖毫覆匿掩蔽之意豈
非公心尚存雖一國銳欲立雍有排山倒海之勢穆羸
一女子動之以義而一國之人怵迫焦灼如負芒刺如
中刀槊如臥薄冰不畏秦師之銳鋒而畏穆羸之涕泣
亟棄雍而立靈公不啻如反掌之速吾是以知惡出於
公者雖衆而易奪也至於陳乞之立陽生雖以齊國有

憂少君不可訪為名自附於晉人之義然其意實貪策立之功以為篡齊之資耳心私則事私故其援立陽生自始至末無非相與為私焉偽參乘而事高國者乞以私而除陽生之害也託習馬而出魯境者陽生以私而應乞之召也乞之召陽生其始固已相與為私故投暮夜之隙以隱其歸混饋者之中以匿其迹惴惴然若狗偷鼠竊之為者其擅置廢立雖與晉人同然陳乞則畏人之知晉人則不畏人之知陳乞畏事之泄晉人則不畏

事之泄是晉人以公自處而陳乞以私自處也陳乞先以私自處故雖聞鮑牧至公之義邈然如風之歷耳蓋乞之心自絕於義久矣故使百人搖之猶不能少槩其心况一鮑牧哉大抵惡出於公則其根淺而易搖故雖一國之勢弱女子勝之而有餘惡出於私則其根深而難拔故雖一夫之謀強大夫排之而不足百圍之木根不附土未終朝而可仆拱把樸檉蟠根繞蔓於九泉之下雖千夫未易動也故君子能受萬人之公毀而不願

受一人之私讎寧救萬人之公過而不能救一人之私
慝

左氏博議卷十七